



REPUBLIKA E SHQIPËRISË
BASHKIA ELBASAN
AGJENCIA E SHËRBIMEVE PUBLIKË RURALE
DREJTORIA E PYJEVE DHE BUJQËSISË

Nr. 2193 Prot.

Elbasan, më 20.04. 2026

RELACION

"PËR MIRATIMIN E THEMELIMIT TE SHOQËRISË TREGTARE "ERE" SH.A, SI PERSON JURIDIK NE PRONËSI TË BASHKISË ELBASAN DHE MIRATIMINE AKTEVE TË THEMELIMIT"

Të nderuar Këshilltar!

Bashkia Elbasan duke patur në fokus të saj zhvillimin e ekonomisë rurale dhe mbështetjen e fermereve si dhe marrë shkas edhe nga kërkesat e disa fermereve nga fshatrat

Krijimi i shoqërisë "ERE" Sh.A. përbën një hap të domosdoshëm dhe strategjik për Bashkinë Elbasan në drejtëm të zhvillimit të qëndrueshëm ekonomik, menaxhimit efikas të burimeve natyrore dhe fuqizimit të ekonomisë rurale.

Territori i Bashkisë Elbasan karakterizohet nga një potencial i konsiderueshëm në sektorët e bujqësisë, blegtorisë, pylltarisë dhe turizmit natyror. Megjithatë, ky potencial mbetet pjesërisht i pashfrytëzuar për shkak të mungesës së strukturave të organizuara, fragmentimit të tokave bujqësore, mungesës së tregjeve të garantuara dhe kapaciteteve të kufizuara për investim dhe menaxhim. Në këtë kontekst, themelimi i një shoqërie aksionare 100% aksione të Bashkisë krijon mundësinë për një qasje të re dhe më profesionale në zhvillimin ekonomik lokal, duke kaluar nga një rol administrativ në një rol aktiv zhvillimor dhe sipërmarrës.

Baza ligjore e aplikueshme:

- Në mbështetje të ligjit nr.139 /2015 "Për vetëqeverisjen vendore", i ndryshuar;
- Ligjit nr. 57, datë 30.04.2020 "Për Pyjet", i ndryshuar;
- Ligjit nr.9901, datë 14.04.2008 "Për tregtarët dhe shoqëritë tregtare", i ndryshuar, të neneve 26, 28, 32 e 36
- Ligjit nr.9723, datë 3.5.2007 "Për regjistrimin e biznesit", i ndryshuar,
- Ligji nr.9734, date 14.05.2007 "Për Turizmin",.

Shoqëria "ERE" Sh.A. synon të veprojë si një mekanizëm i integruar që lidh dhe zhvillon sektorët kryesorë të ekonomisë rurale, duke përfshirë menaxhimin e burimeve pyjore, zhvillimin e agroturizmit, mbështetjen e bujqësisë dhe blegtorisë, si dhe promovimin e produkteve lokale. Nëpërmjet këtij organizimi, synohet jo vetëm rritja e të ardhurave për buxhetin vendor, por edhe krijimi i një modeli të qëndrueshëm zhvillimi për zonat rurale.

Një nga dimensionet më të rëndësishme të kësaj nisme është roli që shoqëria do të luajë në mbështetjen dhe fuqizimin e shoqërive bujqësore. Duke qenë një strukturë me kapital publik dhe me besueshmëri institucionale, kjo shoqëri do të mund të bëhet pjesë e këtyre organizimeve si partnere strategjike, duke

kontribuar në garantimin e qëndrueshmërisë së tyre ekonomike dhe funksionale. Në këtë mënyrë, ajo do të shërbejë si një faktor stabiliteti për fermerët, duke i ndihmuar ata të organizohen më mirë, të rrisin kapacitetet prodhuese dhe të sigurojnë dalje në treg për produktet e tyre.

Gjithashtu, përfshirja e SHA në bashkime bujqësore apo struktura të ngjashme krijon mundësi reale për përthithjen e fondeve kombëtare dhe ndërkombëtare, duke rritur aksesin në programe mbështetëse për zhvillimin rural, investimet në bujqësi, përpunimin e produkteve dhe turizmin. Kjo do të ndikojë drejtpërdrejt në rritjen e konkurrueshmërisë së sektorit dhe në përmirësimin e mirëqenies së komuniteteve rurale.

Në të njëjtën kohë, shoqëria do të mundësojë një menaxhim më të strukturuar dhe efikas të pasurive natyrore, veçanërisht të fondit pyjor, duke siguruar jo vetëm shfrytëzimin ekonomik, por edhe mbrojtje dhe përmirësim të tyre në përputhje me legjislacionin në fuqi, përfshirë **Ligji nr. 57/2020**.

Pra themelimi i shoqërisë "ERE" Sh.A. nuk është thjesht një akt formal organizativ, por një instrument i rëndësishëm zhvillimi, që synon të transformojë mënyrën se si Bashkia Elbasan ndërvepron me ekonominë lokale. Nëpërmjet saj krijohet një platformë e qëndrueshme për zhvillim afatgjatë, për rritjen e të ardhurave, për krijimin e vendeve të punës dhe për garantimin e vazhdueshmërisë së aktiviteteve bujqësore, blegtorale dhe agroturistike në territor.

Bazuar në Aktin e Themelimit, për krijimin e shoqërisë tregtare "ERE" sh.a, kërkohet miratimi i fondit në vlerën 5,000,000 lekë, për krijimin e kapitalit themeltar të shoqërisë. Për këtë qëllim, propozojmë transferimin e fondit 5,000,000 lekë, në buxhetin e vitit 2026, nga DPKS, funksioni 08230, artikulli 602 "Festat e Njësive Administrative", në funksionin 04220, artikulli 604, institucioni Bashkia.

Përfundime:

Në përfundim, sa më sipër, vlerësojmë se krijimi i një strukture të dedikuar dhe profesionale është i domosdoshëm për shfrytëzimin efikas të potencialeve bujqësore, blegtorale, pyjore dhe turistike të territorit të Bashkisë Elbasan, si dhe për garantimin e zhvillimit të qëndrueshëm ekonomik dhe mbështetjen e bashkimeve bujqësore.

Për këto arsye, **kërkojmë dhe propozojmë miratimin e krijimit të shoqërisë tregtare "ERE" Sh.A., si një instrument i rëndësishëm zhvillimi dhe menaxhimi modern i ekonomisë rurale në territorin e Bashkisë Elbasan.**

KRYETARI
Gledian Llatja

NË MUNGESË DHE ME URDHËR
ZV/KRYETARI
Asim Sula

Konceptoi: I. Baho
Pranoi: L. Haxhiymeri
Miratoi: Sh. Çullhaj
D.Finances: Alketa Merkja





REPUBLIKA E SHQIPËRISË
BASHKIA ELBASAN

Nr. _____, Prot

Elbasan më, _____. _____. 2026

AKT THEMELIMI
Për krijimin e shoqërisë tregtare

"ERE"sh.a.

Sot, me datën ___/___/2026, unë, aksioneri themelues, si person juridik publik, si më poshtë:

Bashkia Elbasan, person juridik publik, njësi bazë e vetëqeverisjes vendore brenda territorit të Qarkut Elbasan, e krijuar sipas ligjit nr. 139/2015 "Për vetëqeverisjen vendore" (i ndryshuar), me seli në Qytetin e Elbasanit, me adresë: **Rruga "Qemal Stafa", Elbasan**, përfaqësuar nga Kryetari i Bashkisë Elbasan, z. **Gledian Llatja**.

Në mbështetje të ligjit nr. 139/2015 "Për vetëqeverisjen vendore", i ndryshuar, të ligjit nr. 9901, datë 14.04.2008 "Për tregtarët dhe shoqëritë tregtare", i ndryshuar, si dhe të ligjit nr. 9723 datë 03.5.2007 "Për regjistrimin e biznesit", i ndryshuar.

Vendosi si më poshtë vijon:

NENI 1

Forma juridike

Shoqëria themelohet në formën e një shoqërie aksionare (Sh.A.) me ofertë private, në përputhje me legjislacionin në fuqi dhe me ligjin nr. 9901/2008.

NENI 2

Qëllimi i krijimit të shoqërisë

Qëllimi i shoqërisë është ushtrimi i veprimtarisë ekonomike me karakter fitimprurës në funksion të zhvillimit rural, bujqësor, blegtoral, pyjor dhe agroturistik në territorin e Bashkisë Elbasan.

NENI 3

Emri, logoja dhe vula e shoqërisë

1. Shoqëria do të dalë në qarkullimin juridiko-civil me emrin **"ERE"sh.a.**
2. Shoqëria do të ketë logon dhe vulën e saj. Logoja do të përmbajë fjalë nga emri i shoqërisë.

NENI 4 Objekti i veprimtarisë

Shoqëria tregtare "ERE" sh.a. ka për objekt ushtrimin e veprimtarive ekonomike në funksion të zhvillimit rural, mjedisor dhe agroturistik, si më poshtë:

1. Shoqëria ushtron veprimtarinë e saj në përputhje me legjislacionin në fuqi, duke respektuar parimet e transparencës, konkurrencës dhe mbrojtjes së interesit publik.
2. Zhvillimi, administrimi dhe promovimi i agroturizmit, përfshirë ngritjen dhe menaxhimin e bujtinave, fermave turistike, aktiviteteve rekreative dhe edukative në zonat rurale.
3. Prodhimi, grumbullimi, përpunimi, ambalazhimi dhe tregtimi i produkteve bujqësore dhe blegtorale, përfshirë produkte bio dhe tradicionale.
4. Tregtimi i produkteve bujqësore të freskëta dhe të përpunuara brenda vendit dhe eksportimi i tyre.
5. Krijimi ose marrja me qira e pikave të grumbullimit për tregtimin e fruta-perimeve të freskëta dhe të përpunuara.
6. Grumbullimi, përpunimi, ambalazhimi dhe tregtimi i qumështit dhe nënprodukteve të tij (djathë, gjalpë, gjizë etj).
7. Shfrytëzimi, menaxhimi dhe përmirësimi i fondit pyjor; prerja dhe përpunimi i lëndës drusore; grumbullimi dhe tregtimi i produkteve pyjore drusore dhe jodrusore; shërbime pyjore dhe mjedisore; pyllëzim dhe ripyllëzim; prodhim dhe tregtim biomase; transport dhe tregtim i produkteve pyjore; si dhe çdo aktivitet tjetër në përputhje me legjislacionin në fuqi në fushën e pyjeve dhe mjedisit.
8. Ofrimi i shërbimeve mjedisore, përfshirë:
 - mirëmbajtjen dhe rehabilitimin e sipërfaqeve pyjore dhe rurale
 - menaxhimin e mbetjeve bio, riciklimin dhe kompostimin e tyre
 - projekte për mbrojtjen e biodiversitetit dhe mjedisit
9. Zhvillimi dhe zbatimi i projekteve në fushën rurale, bujqësore, pyjore dhe agroturistike, të financuara nga fonde publike, private apo donatorë.
10. Ndërtimi dhe mirëmbajtja e infrastrukturës funksionale, që lidhet drejtpërdrejt me aktivitetin e shoqërisë (agroturizëm, ferma, objekte shërbimi rural), në përputhje me legjislacionin në fuqi.
11. Bashkëpunimi me subjekte publike dhe private, vendase dhe të huaja, për zhvillimin e projekteve dhe investimeve në fushat e mësipërme.
12. Administrimi, dhënia, marrja me qira dhe në përdorim të pasurive të luajtshme dhe të paluajtshme, në funksion të realizimit të objektit të shoqërisë.
13. Aplikimi dhe përfitimi i fondeve, granteve dhe subvencioneve, si dhe pjesëmarrja në programe kombëtare dhe ndërkombëtare zhvillimi.
14. Çdo veprimtari tjetër ekonomike të ligjshme, që lidhet drejtpërdrejt ose tërthorazi me realizimin e objektit të mësipërm si zhvillimi dhe operimi i aktiviteteve të turizmit dhe rekreacionit, përfshirë struktura shërbimi si bar-kafe, restorante, kënde lojërash dhe hapësira argëtimi.
15. Të krijojë Sh.A., Sh.p.k., SH.B.B. apo shoqëri tregtare të ndryshme, me subjekte dhe grupim subjektësh, si dhe të marrë pjesë si anëtare bashkëthemeluese në Shoqëritë e Bashkëpunimit Bujqësor, apo shoqëri të tjera tregtare.

NENI 5

Selia e shoqërisë dhe afati i veprimtarisë

1. Selia e shoqërisë tregtare " ERE"sh.a. do të jetë në qytetin e Elbasanit, me adresë : Rruga "Qemal Stafa", Elbasan.
2. Shoqëria zhvillon aktivitetin e saj për një afat kohor të pacaktuar, duke filluar nga dita e regjistrimit të saj në regjistrin tregtar pranë Qendrës Kombëtare të Biznesit.

NENI 6

Kapitali themeltar

1. Kapitali themeltar i shoqërisë është 5.000.000 lekë (pesë milion) lekë, i cili përbëhet nga 100 aksione të zakonshme, me një vlerë nominale prej 50.000 (pesëdhjetë mijë) lekë secili.
2. Bashkia Elbasan, zotëron 100% të vlerës së kapitalit të shoqërisë të barabartë me 100 aksione, me vlerë të përgjithshme prej 50.000 (pesëdhjetë e mijë) lekë, për çdo aksion të shlyer për tërësinë e vlerës nominale.

NENI 7

Përbërja e kapitalit të shoqërisë

1. Kapitali themeltar i shoqërisë do të jetë i përbërë nga kontributi në para dhe/ose në natyrë i aksionarit themelues të kësaj shoqërie.
2. Kontributi në para do të jetë i përbërë nga shuma prej 5.000.000 leke (pesë milion) lekë, që është një vlerë më e lartë sesa edhe vlera minimale e kapitalit themeltar për shoqërinë, me ofertë privat.

NENI 8

Organet drejtuese

Shoqëria organizohet sipas sistemit me dy nivele:

Asambleja e Përgjithshme e Aksionerëve - organi më i lartë vendimmarrës;

- Këshilli Mbikëqyrës - organ i mbikëqyrjes; përbëhet nga ;
 - Z. _____
 - Z. _____
 - Z. _____
- Administratori Z. _____ - organ ekzekutiv dhe administrativ i shoqërisë.
- Eksperti/ët kontabel i/të autorizuar.

Shoqëria është e organizuar në sistemin e administrimit me dy nivele, administrator drejton shoqërinë dhe merr vendime për mënyrën e vënies në zbatim të politikave tregtare, ndërsa Këshilli Mbikëqyrës, në cilësinë e organit mbikëqyrës, këqyr vënien në zbatim të këtyre politikave dhe përputhjen e tyre me ligjin dhe statutin.

Kohëzgjatja e mandatit të anetarëve të Këshillit Mbikëqyrës do të jetë 3 (tre) vjet. Ata kanë të drejtë të rizgjidhen.

NENI 9

Administratori

1. Administratori i parë i shoqërisë tregtare "ERE"sh.a. është Z. _____
2. Shoqëria përfaqësohet para çdo organi administrativ, gjyqësor, enti publik apo privat dhe në marrëdhënie më të tretët nga Administratori i saj, i cili i ushtron këto të drejta në përputhje me Statutin e shoqërisë dhe legjislacionin në fuqi.

NENI 10

Eksperti kontabel

1. Asambleja e Përgjithshme ka të drejtën për të caktuar një ose disa eksperte kontabel të zgjedhur nga listat e Institutit të Eksperteve Kontabel të Autorizuar.
2. Në caktimin e eksperteve mbahen parasysh përjashtimet dhe papajtueshmëritë e përcaktuara në rregullat e posacme. Ekspertet kontabel caktohen për një kohë që i përgjigjet një ushtrimi financiar. Ata janë të ricaktueshëm.
3. Shpërblimi i ekspertëve kontabel të autorizuar caktohet nga Asambleja e Përgjithshme dhe përballohet nga shoqëria. Shoqëria tregtare "Eko Rural Elbasan"sh.a., do të ketë 1 (një) ekspert kontabel.

NENI 11

Autorizimi procedurat e themelimit

Aksionarët themelues autorizojnë Kryetarin e Bashkisë për të aplikuar për regjistrimin fillestar të shoqërisë aksionare "ERE"sh.a. Rregjistrimi bëhet tek Qendra kombëtare e Biznesit.

NENI 12

Organizimi dhe funksionimi i shoqërisë, ngritja e degëve apo filialeve të saj, do të bëhet në përputhje me dispozitat e ligjit përkatës dhe statutit.

NENI 13

Aksionari/Aksionarët themelues mund të vendosin, me vullnetin e tyre, për pjesëmarrjen në shoqëri të tjera dhe mund të krijojnë çdo lloj aktiviteti tjetër privat, përveçse atij që mund të jetë konkures me atë të shoqërisë tregtare "ERE"sh.a.

NENI 14

Mosmarrëveshjet për themelimin e shoqërisë zgjidhen me mirëkuptim nga aksionarët themelues dhe kur kjo nuk arrihet, ato zgjidhen nga gjykata kompetente sipas dispozitave ligjore në fuqi.

Akti i themelimit redaktohet në 4 (katër) kopje origjinale, të njëjta në gjuhën shqipe.

AKSIONARI THEMELUES
BASHKIA ELBASAN
PËRFAQËSUAR NGA
KRYETARI
Gledian LLATJA



REPUBLIKA E SHQIPËRISË

**BASHKIA ELBASAN
KËSHILLI BASHKIAK**

PROJEKT-VENDIM

Nr. _____ datë _____ 2026

**"PËR MIRATIMIN E THEMELIMIT TE SHOQËRISË TREGTARE "ERE" SH.A, SI
PERSON JURIDIK NE PRONËSI TË BASHKISË ELBASAN DHE MIRATIMINE AKTEVE
TË THEMELIMIT"**

Këshilli bashkiak pasi shqyrtoj materialin e paraqitur nga administrata e bashkisë në lidhje me Miratimin e themelimit te shoqërisë tregtare "ERE" sh.a, si person juridik ne pronësi të bashkisë Elbasan dhe miratimin e akteve të themelimit, në mbështetje të bazës ligjore të mëposhtëme:

- Në mbështetje të ligjit nr.139 /2015 "Për vetëqeverisjen vendore", i ndryshuar;
- Ligjit nr. 57, datë 30.04.2020 "Për Pyjet", i ndryshuar;
- Ligjit nr.9901, datë 14.04.2008 "Për tregtarët dhe shoqëritë tregtare", i ndryshuar, të neneve 26, 28, 32 e 36
- Ligji nr.9723, datë 3.5.2007 "Për regjistrimin e biznesit", i ndryshuar,
- Ligji nr.9734.date 14.05.2007 "Për Turizmin",.

VENDOSI

1. Krijimin e shoqërisë tregtare "ERE" sha, në formën e shoqërisë tregtare aksionare, me objekt objekt ushtrimin e veprimtarive ekonomike në funksion të zhvillimit rural, mjedisor dhe agroturistik
2. Miratimin e aktit të themelimit dhe statutit te shoqërisë " ERE "sha.a si dhe të ngarkojë Kryetarin e Bashkisë ose personin e autorizuar prej tij, që të nënshkruaj aktet e themelimit të kësaj shoqërie tregtare.
3. Shoqëria " ERE " sh.a, themelohet, organizohet dhe funksionon si shoqëri me aksione, në përputhje me parashikimet e ligjit nr.9901, datë 14.04.2008 "Për tregtarët dhe shoqëritë tregtare", të ndryshuar.
4. Kapitali fillestar për krijimin e shoqërisë " ERE " sha do të jetë 5.000.000 (Pesë milion) lekë.
5. Bashkia Elbasan është ortak i vetem themelues, i cili zotëron 100% te kapitalit themeltar te shoqërisë "ERE ".
6. Shoqëria " ERE " sha, te ketë selinë qendrore në adresën," Rruga Qemal Stafa (Godina e Bashkisë).
7. Shoqëria "ERE "sha, të zhvillojë aktivitetin e saj për një afatkohor të pacaktuar.
8. Bashkia Elbasan, brenda 15 (pesëmbëdhjete) ditëve nga data e hyrjes në fuqi të këtij vendimi, ndjek procedurat e nevojshme për regjistrimin e shoqërisë " ERE "sha.
9. Shoqëria " ERE " sha, në funksion të ushtrimit të veprimtarisë së saj, ka të drejtë të shqyrtojë dhe të vlerësojë mundësinë e bashkëpunimit me shoqëritë e tjera tregtare dhe të hyje në mardhenie kontraktuale me persona te tretë.
10. Të autorizojë kryetarin e Bashkisë ose personin e deleguar prej tij që të përfaqësojë Bashkinë Elbasan, në cilësinë e aksionarit të vetëm përkryerjen e të gjitha veprimtarive të nevojshme për përgatitjen dhe nënshkrimin të akteve të themelimit të shoqërisë së re dhe regjistrimin e saj në Qendrën Kombëtare të Biznesit.

11. Bashkia Elbasan i siguron shoqerise "ERE " sha, nga inventari i saj i pronave të paluajjtshme apo ambiente të tjera të kontraktuara ndaj të tretëve, mjediset e nevojshme për fillimin e ushtrimit të veprimtarisë sipas objektit të saj.
12. Bashkëngjitur relacioni shpjegues.
13. Për zbatimin e këtij vendimi ngarkohet Kryetari i Bashkisë.
14. Ky vendim hyn në fuqi 10 ditë mbas shpalljes publike (sipas përcaktimeve të nenit 55, pika 6, të Ligjit nr. 139/2015, "Për vetëqeverisjen vendore").

Sekretari i Këshillit Bashkiak

Elsid Zyma

KRYETAR

Lutfi Lala

Konceptoi: I. Baho

Pranoi: L. Haxhiymeri

Miratoi: Sh. Çullhaj

Nenkryetar: A. Sula

D. Juridike: A. Hoxha

Miratuar me _____ vota

Vota Pro _____

Vota Kundër _____

Vota Abstenim _____

Zbardhur me datë ____ / ____ 2026